

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i člana 45. stav (4) u vezi sa članom 37. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 24/19 i 14/20), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 69. sjednici, održanoj dana 14.08.2020. godine, d o n o s i

ZAKLJUČAK

I.

Usvaja se Polugodišnji izvještaj o realizaciji Programa utroška sredstava od koncesija za 2020. godinu Ministarstva za poljoprivredu, šumarstvo i vodoprivredu i čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirza Ganić

Broj: 02-_____/20

Datum, 14.08.2020. godine

Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**POLUGODIŠNJI IZVJEŠTAJ O REALIZACIJI
PROGRAMA UTROŠKA SREDSTAVA OD KONCESIJA
ZA 2020. GODINU**

ZENICA, juli 2020. godine

A small, handwritten signature in blue ink, located in the bottom left corner of the page.

UVOD

Vlada Zeničko-dobojskog kantona je Zaključkom broj: 02-11-7246/20 od 21.05.2020. godine usvojila Program utroška sredstava od koncesija za 2020. godinu (u daljem tekstu: Program), kojim su planirana sredstva u iznosu od 150.000,00 KM (slovima: stotinupedesethiljada konvertibilnih maraka). Navedena sredstva se prikupljaju od naknada za koncesije na vodama, koja pripadaju Ministarstvu za poljoprivredu, šumarstvo i vodoprivredu.

S obzirom da je u Zakonu o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19) u članu 45. stav (4) utvrđena obaveza nadležnim organima da o utrošenim sredstvima po programima polugodišnje izvještavaju Vladu Kantona, a da je Programom rada Vlade Zeničko-dobojskog kantona za 2020. godinu u mjesecu julu planirano razmatranje Polugodišnjeg izvještaja o realizaciji Programa utroška sredstava od koncesija za 2020. godinu, Ministarstvo za poljoprivredu, šumarstvo i vodoprivredu je izradilo izvještaj o utrošku sredstava iz navedenog Programa.

REALIZOVANE AKTIVNOSTI

Kako je u tački V Programa utvrđeno da će se sredstva planirana Programom utrošiti za finansiranje ili sufinansiranje projekata prema Javnom pozivu za dostavljanje aplikacija Jedinica lokalne samouprave (u daljem tekstu: JLS), Ministarstvo je Rješenjem broj: 05-21-6073-1/20 od 27.05.2020. godine imenovalo Komisiju za utvrđivanje i provođenje javnog poziva.

U izvještajnom periodu Komisija je utvrdila tekst javnog poziva u skladu sa kriterijima iz tačke V Programa, koji je objavljen na web stranici Zeničko-dobojskog kantona. Ministarstvo je dodatno poslalo pisanu obavijest svim JLS o objavljenom javnom pozivu i roku za dostavu prijedloga projekata, a to je 01.07.2020. godine.

Komisija je dužna da izvrši otvaranje, pregled i bodovanje pristiglih projektnih prijedloga i o tome sačini Izvještaj, a o podnesenoj prijavi sve JLS će biti obaviještene, uz mogućnost prigovora.

Nakon okončanja navedenih aktivnosti, Ministarstvo će nastaviti sa realizacijom Programa, odnosno sa onim JLS čiji projekti budu odobreni, zaključiti sporazum, kojim će biti regulisane međusobne obaveze i način realizacije odobrenih sredstava.

Obradivač

Senada Dizdar



MINISTAR

Mirnes Bašić

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 57. sjednici, održanoj dana 21.05.2020. godine, d o n o s i

ZAKLJUČAK

o usvajanju Programa utroška sredstava od koncesija za 2020. godinu u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2020. godinu pozicija „Realizacija projekata Vlade koji se finansiraju iz prihoda od koncesija“

I.

Usvaja se Program utroška sredstava od koncesija za 2020. godinu, u razdjelu 23, budžetska organizacija 01, potrošačka jedinica 0001 Budžeta Zeničko-dobojskog kantona za 2020. godinu, ("Službene novine Zeničko-dobojskog kantona", broj: 24/19 i 7/20), ekonomski kod 614100, pozicija „Realizacija projekata Vlade koji se finansiraju iz prihoda od koncesija“, u iznosu od 150.000,00 KM (slovima: stotinupedesethiljada konvertibilnih maraka) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda od koncesija u Budžetu Kantona.

III.

Za realizaciju ovog zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.


IV.

Zaključak stupa na snagu danom donošenja.

Broj: 02-11-7248/20
Datum, 21.05.2020. godine
Zenica

DOSTAVLJENO:

- Ministarstvo za poljoprivredu, šumarstvo i vodoprivredu,
- Ministarstvo finansija,
- a/a.



BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA SREDSTAVA OD KONCESIJA
ZA 2020. GODINU**

ZENICA, maj 2020. GODINE

I ZAKONSKI OSNOV ZA DONOŠENJE PROGRAMA UTROŠKA SREDSTAVA OD KONCESIJA ZA 2020.GODINU

Zakonski osnov za donošenje Programa utroška sredstava od koncesija za 2020. godinu je sadržan u članu 37. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), kojim je utvrđeno da će se budžetska sredstva na poziciji „Realizacija projekata Vlade koji se finansiraju iz prihoda od koncesija“ koristiti prema programu utroška koji donosi Vlada Kantona, a u članu 45. stav (1) je utvrđeno da nadležno ministarstvo predlaže Vladi Kantona program utroška sredstava iz člana 37. istog zakona.

II SVRHA PROGRAMA

Stvaranje zakonskih preduslova za dodjelu koncesija na vodama, zatim poboljšanje stanja vodnih resursa koji se mogu dati na korištenje putem koncesije, odnosno finansiranje/sufinansiranje projekata prema aplikacijama JLS za ove namjene, sa ciljem unaprjeđenja stanja u ovoj oblasti i povećanja prihoda JLS i Kantona.

III VISINA SREDSTAVA

Budžetom Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20) u razdjelu 23, budžetska organizacija 01, potrošačka jedinica 0001, ekonomski kod 614 100, pozicija «Realizacija projekata Vlade koji se finansiraju iz prihoda od koncesija», planirana su sredstva u iznosu od **150.000,00 KM (slovima: stotinupedesethiljada konvertibilnih maraka)**.

IV IZVORI IZ KOJIH ĆE SE FINANSIRATI

Navedena sredstva ostvaruju se u Budžetu Zeničko-dobojskog kantona po osnovu koncesionih naknada za dodijeljene koncesije na vodama na području Zeničko-dobojskog kantona, koja pripadaju Ministarstvu za poljoprivredu, šumarstvo i vodoprivredu. Naime, od svake uplate po osnovu koncesije na vodama, prema Odluci o načinu raspodjele i korištenju sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13), 70% sredstava prebacuje se na račun grada/općine na čijem području se realizuje predmet koncesije, a 30% sredstava pripada Kantonu. Dakle, ovaj Program utroška odnosi se na sredstva koja po navedenoj raspodjeli ostaju Kantonu.

V KRITERIJI ODABIRA PROJEKATA I NAČIN UTROŠKA

Sredstva planirana Programom utrošiti će se za finansiranje ili sufinansiranje projekata prema Javnom pozivu za dostavljanje aplikacija Jedinica lokalne samouprave (u daljem tekstu: JLS) i to za:

- Izradu studija o ekonomskoj opravdanosti dodjele koncesija na vodama,
- Revitalizaciju izvorišta voda koja se mogu dati na koncesiju,
- Izgradnju/sanaciju javne lokalne putne infrastrukture u funkciji korištenja potencijalnog predmeta koncesije

Ukoliko se kandiduje izrada studija o ekonomskoj opravdanosti, potrebno je dostaviti projektni zadatak sa definiranim sadržajem studije u skladu sa Odlukom o usvajanju dokumenta o politici dodjele koncesija („Službene novine FBiH“, broj: 64/05).

Za revitalizaciju izvorišta voda i izgradnju javne i putne infrastrukture uslov za razmatranje projekta je izradena projektna dokumentacija i izdato odbrenje za gradjenje.

Kriteriji odabira kandidovanih programa i projekata, definirani korištenjem Smjernica o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, biće sastavni dio Javnog poziva, a to su:

Kriteriji	Max. bodovi
1. Projekti koji imaju veći stepen vlastitog učešća	50
2. Projekti za koje se očekuju najveći finansijski efekti ostvareni korištenjem predmeta koncesije	30
3. Projekti čiji rezultati će se nastaviti koristiti od strane krajnjih korisnika	20

Ministarstvo će imenovati Komisiju za utvrđivanje i provođenje Javnog poziva.

Uslov za razmatranje i odabir je popunjen aplikacioni obrazac, koji će biti sastavni dio Javnog poziva.

Ministarstvo se obavezuje da sa onim JLS čiji projekti budu odobreni zaključi sporazum, kojim će biti regulisane međusobne obaveze i način realizacije odobrenih sredstava.

Broj: 02-11-7246/20
Datum, 21.05.2020. godine
Zenica



DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.